

## Хакас чонның үлүкүннерінеңер чоохтазығлар

### 1. Чоохтазығ пүдіреріне кирек чоохтағлар.

- Мин Хакасиязар пасха хан чирінең килгем.
- Пеер килгеніңер уғаа чахсы. Аалчы улыңар!
- Сіерер хакас чонның үлүкүннерін пілчезің ме?
- Мин Хакас чирінің үлүкүннерінең танызып аларға сағынчам.
- Чахсы идіп, үлүкүннердеңер чоохтап поларчыхсар ба?
- Я, хайди даа хынып чоохтап пирербін.
- Үлүкүннерні адап пиріңердек.
- Чахсы. Хакас чирінде мындағ үлүкүннер пар: Чыл пазы, Чир-ине күні, Пастағы күгүрт пайрамы, Тун пайрам, Пай хазың, Улуғ күн (Күн пазы), Ұртүн тойы паза ан.п.
- Хайдағ иң удаа иртірілчеткен үлүкүн полча?
- Иң удаа Чыл пазы паза Тун пайрам үлүкүннерні иртірчелер.
- Сіерер хайдағ үлүкүнге хынчазар, чөрчезер?
- Мин удаа Тун пайрам үлүкүнге хынчам паза, оңдай полза, чөрчем.
- Ноға үлүкүн Тун пайрам тіп адалча?
- Тун пайрам «тун айран» (пастағы сүт, айран) үлүкүніне саналча.
- Хақан ол таныхталча?
- Ол хандых айында таныхталча. Мының алнында аны чыл сай таныхтақаннар, че нинче-де чыл ікі чыл пазынаң иртіріл сыхты.
- Хайдағ хынығ нимелер пар пу үлүкүнде?
- Иң пастап хакастарның улуғлақан кибірлері иртірілчелер: ағастарға чаламалар палғапчалар, От инезін азырапчалар, хакас чонның спорт марығларын иртірчелер, айран мариин иртірчелер, хакас ас-тамахтарынаң чонны сыйлапчалар.
- Хакас кибірлерінең пасха паза нима полча?
- Чазыда тадар иблер турғызылчалар. Ибічектерде полған на аймахтаң килген чон хакастарның кибірліг ас-тамаан тимнепче, чонны азырапча: потхы, талған,

пічірө, харты, пызылах, чарба үгре паза аннаң даа пасхалары.

- Хайди даа айран мариин иртірілче.

- Уғаа хынығ. Хайди ол марығ иртірілче?

- Айран мариинна иледе кизілер тимненчелер. Полғаны ла пос оңдайынаң, позы пілчеткен чазыттарынаң тузаланып, айранын ачыдып, «Тун пайрамның» аалчыларын сыйлапчалар. Пурунғыда даа иң пастап аалчыларны көбіктіг айраннаң удурлачаңнар.

- Паза хайдағ хынығ нимелер көріп аларға чарир?

- Өөн чардых соонда кибірліг ойыннар паза конкурстар иртілірчелер: *күрес, ат чарызы, охчаа атызы, тас хабары (иңні азыра тастыры), тобит, ағас тартызары* паза аннаң даа пасхалары. Сценаларда хакас сарыннарын истіп аларға паза теелбектерні көріп аларға чарир.

- Кемнер пу үлүкүнде аралас полчалар?

- Пу үлүкүнде хынған кизі аралас полча. Мында пасха хан чирінең дее килген кизілер постарының устарын көзітчелер.

- Андағда мин дее пу марыға хозыл поларбын ма? Мин пос чонымның сарыннарын сарнап пирерчікпін.

- Я, сірер, хынзаңар, хайди даа пу марығда аралас поларзар.

- Уғаа хынығ полды сірерні истіп аларға. Улуғ алғыс, чооғыңар үчүн.

– Пір дее нима үчүн нимес. Сірер хайди даа Тун пайрам үлүкүніне кил парыңар, сірернің көңніңерге уғаа тың кірер тіп сағынчам. Паза сірернің сарнааныңарны хынып истіп аларчыхпын.

## Үлүкүннер

Кизілернің чуртазында аймах үлүкүннер таныхталчалар. Көзідімге алза: чоннар үлүкүннері, хазна үлүкүннері паза худаи үлүкүннері.

Аймах чоннарның постарының үлүкүннері пар. Хакас чонының пайрамнары парох. Хакас чонының мындағ үлүкүннері пар: Чыл пазы, Чир-ине күні, Пастағы күгүрт пайрамы, Тун пайрам, Пай хазың, Улуғ күн (Күн пазы),

Үртүн тойы.

Чыл пазы көрік айының 22-чі күнінде таныхталчаң, хосхар айының 22-чі күнінде — Чир-ине күні; силкер айында — Пастағы күгүрт пай рамы; хандых айында, ай наазында — Тун пайрам, аның пасха ады — Тун айран; хандых айында, ай толызында — Пай хазың; хандых айының 22-чі күнінде — Улуғ күн, пасха ады — Күн пазы; үртүн айының 22-чі күнінде — Үртүн тойы.

Сағамғы туста пу үлүкүннернің аразында Чыл пазын, Чир-ине күнін паза Тун пайрамны чыл сай таныхталчатхан үлүкүннерге санирға чарир.

Чыл сай таныхталчатхан Хазна үлүкүннер санына идөк Наа чыл, Чир-суубыс арачылағчызының күні, Чоннар аразындағы ипчилер күні, Часхы паза істеніс үлүкүні, Чиңіс күні, Россия күні кірчелер.

Худай үлүкүннерін худайға киртінчеткеннер тутчалар.

***Тун пайрам*** – пастағы сүттің (айранның) үлүкүні.

### Тузаланған литература

1. Хакасско-русский словарь = Хакас-орыс сөстік. – Новосибирск: Наука, 2006. – 1114 с.
2. Анжиганова О.П., Субракова О.В., Топоева Л.С. Русско-хакасский разговорник = Орыс-хакас чоохтазыҕ. – Абакан: Хакаское отделение Красноярского книжного издательства, 1989. – 186 с.
3. Ekrem Arıkoğlu. Örnekli Hakasça-Türkçe Sözlük.